



Promptvarivm Morale// Das ist// Sittliche Speißkam[m]er

darinnen heylsame Lehren/ Gott-//selig/ Christlich/ Catholische
Vnderweysungen/ von löblichen Sit-//ten vnd Tugenden/ wider allerley
Sünd vnd Laster/ vber die// Sontäglichen Euangelien deß gantzen Jars/
be-//griffen vnd verwahret:// Allen Predigern zum heylsamem Vnderricht/
den Sündern zur// ...

Sommertheyl

Stapleton, Thomas

Ingolstatt, 1597

VD16 S 8621

IV. Vnd vil Volcks auß der Statt mit jhr.

[urn:nbn:de:hbz:466:1-77815](https://nbn-resolving.org/urn:nbn:de:hbz:466:1-77815)

Aufflegung des vierden Theyls dieses Euangelij.

Vnd vil Volcks auß der Statt mit ihr.

Iser Stell vnd Euangelische spruch/ kan wol ein argument ^{Christliche}
vnd Materi sein/ von Christlicher Begräbnus/ wie habē aber auff disen ^{Begräbnus.}
Sontag / im andern Promptuario oder Catholischen Speiskamer
wider die Rezer/ hiervon gehandelt.

Doch wollen wir alda / so vil GOTT verleihet/ ein wenig mehr beybringen. Wie
hoch vnd fast diß Christlich Werck/ CHRISTO gefallen habe/ alda zu bestattung der
Begräbnus vnd auftragung diser Leich/ ein grosse anzahl der Burger von Naim zu
samen kominen/ hat CHRISTVS der HERR mit diesem herlichen Mirackell vnd wunder
dieses auffweckten Jünglings/ anzeigen wollen.

Dauid sandte Botten/ die danck sagen solten/ vnd zwar Fleissig vnd ernstlich/ den ^{Exempel.}
Männern von Gabes in Gilead/ die den Leib Saul vnd seiner Kinder begraben hāt ^{2. Reg. 2.}
tm/ vnd sprach: [Gefegnet seyt ihr dem HERREN/ das ihr soliche Barmherzigkeit
an ewrem HERRN Saul gethan/ vnd ihn begrabe habt. So thue nun an euch der
HERR Barmherzigkeit vnd Trewe: Vnd ich will euch auch Genad thun/ daß ihr
soliches gethan habt.]

Der H. Patriarch Abraham würd sehr gelobt/ darumb daß er sein Weib Saram ^{Genes. 23.}
herlich begraben hat. Sorg haben gehabt vber sein Begräbnus/ seine Söhn Jacob vñ ^{Genes. 50.}
Joseph/ welche/ ob wol Abraham in Egypto gestorben/ jedoch beuolchen haben/ das
seine Gebeyn/ bey der Begräbnus seiner Vättern in dem Land Chanaan begrabe wer-
den solten/ welches auch beschehen ist. In diesem Gottseligen Werck/ lobt vnd
brühmt mit vilen Worten der Engel Raphael den Tobiam/ der hierin fürtrefflich ge- ^{Tob. 12.}
wesen: [Da du bettest (sagt der Engel) mit Trähern/ vnd die Todten vergrubst/
liesest das Essen stehen/ vnd verschlugst sie des Tags in deinem Haus/ daß du sie zu
Nacht vergrubest/ hab ich dein Gebett für GOTT getragen.] Siehest du/ wie ange-
näm vnd wolgefällig das Werck der Christlichen Begräbnus GOTT gewesen seye/
vnd noch ist. Dann es werden die Juden im Exilio vnd ihrem Elend/ von den Assy-
riern zu todt geschlagen/ welche also der fromme Tobias begrube. Judas Machabaus
würdt gelobt/ daß er die vmbgebrachte in der Schlacht ehrlich zubegraben/ für die zu-
bitten/ vnd Opfer auffzuopfern befohlen hat. Vnd die Ursach würdt hinzu gese-
set: [Dann er hätt ein rechte/ vnd dem Glauben gemäßig/ Betrachtung vnd Rech- ^{1. Mach. 12.}
nung von der Widerauffständnus:] Dann er glaubet vnd bekennet hiemit der
Christlichen Begräbnus der Abgestorbenen im HERRM ein Auffständnus.

Die Gottsforcht des Jünger Johannis des Tauffers/ würdt von dem Euange-
listen gemerckt/ daß sie/ nach dem der H. Johannes in der Gefängnus enthaupt wor-
den/ [seine Jünger kamen/ vnd namen seinen Leib/ vnd legten ihn in ein Grab.] ^{Marc. 6.}
Der Gottsdienst vnd Christliche Werck Nicodemi vnd Josephi/ wegen der Begräb- ^{Ioan. 19.}
nus des Leibs CHRISTI/ würdt im Euangelio flehzig vermeldet. Vnd ja vber diß hat ^{4. Reg. 21.}
auch Dauid der König selbst die Gebeyn Sauls/ Jonathe vnd seiner Söhne/ so von
den Burgern zu Gabes in Gilead einmal vergraben worden/ sampt andern Gebey-
nen d. r Kinder Sauls/ die von den Gabaonitern erhenckt worden/ genommen/ vnd
vergraben im Land Ben Jamin/ im Grab seines Vatters Kis. So vil/ vnd solcher
Männer Exempla inn H. Schrifft/ disem Christlichen Werck flehzig nachzukom-
men/ die solten ein genugsame Ermahnung vnd Auffmunderung seyn. Von der
Gottesforcht der dreyen Weibern/ bey dem vergrabten Leib Christi/ ha-
ben wir an dem Ostersonntag gesagt/ inn dem ersten vnd andern Theyl am
42. 43. Blat.